

UGOVOR O IZVOĐENJU RADOVA

DS-47/17

(izrada pregrade između stomatološke službe i CBR-a OJ Dom zdravlja Novi Grad)

Zaključen između:

1. **Javne ustanove Dom zdravlja Kantona Sarajevo**, ulica Vrazova broj 11, koju zastupa generalni direktor mr.sci.med.prim.dr Fuad Husić (u daljem tekstu: **Naručilac**)
i
2. **Obrtnička djelatnost "DADO"**, sa sjedištem u Brezi, ulica Patriotske lige br. 5, koju zastupa vlasnik Elvir Selimbegović, (u daljem tekstu: **Izvršilac**).

I PREDMET UGOVORA

Član 1.

Predmet ovog Ugovora su radovi izrade pregrade između stomatološke službe i CBR-a u centralnom objektu Organizacione jedinice Dom zdravlja Novi Grad Javne ustanove Dom zdravlja Kantona Sarajevo, a na osnovu Odluke o pokretanju postupka javne nabavke putem direktnog sporazuma DS 47/17 broj 01-03-4409/17 od 26.05.2017. godine.

II OBAVEZE NARUČIOCA

Član 2.

Pored obaveza koje su predviđene važećim propisima, a u skladu sa odredbama ovog Ugovora, Naručilac je obavezan da:

- Izvođača uvede u posao,
- Obezbjedi Izvođaču radova nesmetan pristup terenu na kojem se izvode radovi
- Obezbjedi Izvođaču korištenje priključaka za električnu energiju i vodu,
- Izvrši plaćanje na način utvrđen ovim ugovorom,
- Vršiti stalni nadzor i prati realizaciju ugovorenog posla,
- Od izvođača komisijски primi izvedene radove.

III OBAVEZE IZVOĐAČA

Član 3.

Pored obaveza koje su predviđene važećim propisima i ovim Ugovorom, Izvođač radova je obavezan:

- početi sa izvođenjem radova danom uvođenja u posao,

- izvesti ugovorene radove stručno i kvalitetno prema projektnoj dokumentaciji i ponudi iz člana 1. ovog Ugovora, a u skladu sa važećim tehničkim normativima i standardima,
- ugraditi kvalitetan materijal i opremu po tehničkom opisu i standardima,
- izvrši svaki eventualni nalog Nadzornog organa u pogledu obustave rada, koji bi mogli ugroziti sigurnost ljudi i objekta,
- koristi materijal koji mora odgovarati standardima, odnosno kvalitetu utvrđenom atestom ili propisima, a ostali materijal ne smije biti ispod dozvoljenog kvaliteta,
- za vrijeme izvođenja radova, obzirom na lokaciju, Izvođač je obavezan poštivati sigurnosne i bezbjednosne mjere,
- vodi računa o urednosti prostora na kome se izvode radovi u pogledu smještaja opreme, materijala i drugih radnih i pomoćnih sredstava koje bude koristio u izvođenju radova,
- po okončanju radova ukloni sav otpad i vrati teren koji je koristio za izvođenje radova u prvobitno stanje,
- otkloni, odnosno nadoknadi svu eventualno pričinjenu štetu Naručiocu ili trećim licima,
- da sa ovlaštenim predstavnicima Naručioca izvrši zapisnički prijem o izvršenom poslu,
- poduzme i druge aktivnosti neophodne za uspješno izvršenje ugovorenog posla.

IV VRIJEDNOST UGOVORA

Član 4.

Cijena radova iz člana 1. ovog Ugovora, prema Ponudi za izradu pregradnog zida, sa uključenim PDV-om iznosi :

1.262,43 KM

(Slovima: hijadudvijestotinešezdesetdvije KM, 43/100 pf)

Obračun radova vršit će se na osnovu stvarno izvedenih količina i jediničnih cijena iz predmjera i predračuna radova iskazanih u ponudi Izvođača.

Jedinične cijene su fiksne i ne mogu se mijenjati ni pod kojim uslovima.

V NAČIN PLAĆANJA

Član 5.

Naručilac se obavezuje da će Izvođaču ugovorene radove platiti u roku od 15 dana po ispostavljanju fakture.

VI NADZOR

Član 6.

Nadzor nad izvođenjem radova vršit će Služba tehničkih poslova Javne ustanove Dom zdravlja Kantona Sarajevo.

Izvođač je dužan da postupa po uputama Nadzornog organa.

VII ROK IZVOĐENJA RADOVA

Član 7.

Rok za izvođenje radova iz člana 1. ovog ugovora je 7 kalendarskih dana, a počinje teći od dana uvođenja Izvođača u posao.

VIII PRIMOPREDAJA

Član 8.

Kada svi radovi iz predmetnog Ugovora budu izvedeni, Izvođač je dužan o tome pismenim putem obavijestiti Naručioca i zatražiti primopredaju izvedenih radova.

Član 9.

Primopredaju izvedenih radova izvršit će predstavnici Naručioca, Nadzora.

Član 10.

Nakon završetka radova Izvođač je dužan sa gradilišta ukloniti preostali materijal, opremu i sredstva za rad i dr. , te očistiti gradilište.

Član 11.

Nakon izvršene primopredaje, Naručilac je u obavezi da izvrši isplatu shodno članu 5. ovog Ugovora.

IX OTKLANJANJE NEDOSTATAKA

Član 12.

Izvođač se obavezuje da će otklanjanje nedostataka izvršiti u roku od 8 dana od dana dobivanja pismene obavijesti od strane Naručioca.

X ZAVRŠNE ODREDBE

Član 13.

Ugovor stupa na snagu danom potpisivanja od strane ovlaštenih zastupnika ugovornih strana.

Član 14.

Ugovorne strane su saglasne da će eventualne sporove iz ovog Ugovora riješavati sporazumno, a uslučaju spora, nadležan je Sud u Sarajevu.


Član 15.

Ugovor je sačinjen u četiri istovjetna primjerka od kojih naručilac zadržava tri (SEFP; STP; Komisija za jav. nab.) a Izvođač, jedan primjerak.

Član 16.

Sastavni dio ovog ugovora je ponuda ponuđača (Izvođača).

JAVNA USTANOVA DOM ZDRAVLJA
KANTONA SARAJEVO
Generalni direktor



Mr. sci. med. prim. dr. Fuad Husić
spec. porodične medicine

Sarajevo, dana 09. 06. 2017
Broj: 01-03-4409-2/17



O.D. "DADO"

Breza
Vlasić


Elvir Selimbegović

Sarajevo, dana
Broj: 12/06/17
12.06.2017

